


ՀԿԳ ԿՆՆՏԿՈՄԻ
ՊՐՈԳՆՈԶՆԻՐՈՒՄԻ ԵՎ
ԱԳԻՏԱՑԻԱՅԻ ԲԱԺԻՆ



№ 10

Մ Ա Յ Ի Ց

1954

ОБЯЗАТЕЛЬНЫЙ
ЭКЗЕМПЛЯР

Նյութեր զրույցների համար

- Վ. ՄԱՅԿԵՎԻՉ — Լայպորեն ծավալել մրցությունը
Համամիութենական գյուղատնտեսական ցու-
ցահանդեսին մասնակցելու իրավունք նվա-
ճելու համար 1
- Ղ. ՇԱՔԱՐՅԱՆ — ՍՍՌՄ Պետական բյուջեն տըն-
տեսական և կուլտուրական խաղաղ շինարա-
րության բյուջե է 13
- ՀՈՎՀ. ՎԱՐԴԱՆՅԱՆ — Հասարակական և անձնա-
կան շահերի զուգակցումը կուլտնտեսություն-
ներում 24

Ագիտացիոն աշխատանքի փորձից

- Ս. ԱՆՏՈՆՅԱՆ — Ագիտատորի զրույցը տորֆա-
բուսային թաղարհերում ցանրի և մշակու-
թյան մասին 34

Օգտագործիչ զրույցի ժամանակ

- Անշեզորեն բարձրանում է սովետական ժողովրդի
բարեկեցությունը (թվեր և փաստեր) . . . 40

Տեղեկատու բաժին

- Քիմիան գյուղատնտեսության մեջ 47

Խմբագրության հասցեն. — Երևան, ՀԿՊ Կենտկոմ,
Պրոպագանդայի և ագիտացիայի բաժին: Հեռախոս
2—52—78:

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

ԼԱՅՆՈՐԵՆ ԾԱՎԱԼԵԼ ՄՐՑՈՒԹՅՈՒՆԸ
ՀԱՄԱՄԻՈՒԹԵՆԱԿԱՆ ԳՅՈՒՂԱՏՆՏԵՍԱԿԱՆ
ՑՈՒՑԱՀԱՆԴԵՍԻՆ ՄԱՍՆԱԿՑԵԼՈՒ
ԻՐԱՎՈՒՆՔ ՆՎԱՃԵԼՈՒ ՀԱՄԱՐ

Վ. ՄԱՅԿԵՎԻՉ

ՍՍՌՄ Գյուղատնտեսության
մինիստրի առաջին տեղակալ

Սովետական Միության Կոմունիստական
սրբապետի Կենտկոմի Սեպտեմբերյան և
Փետրվար-մարտյան պլենումները մեծագույն
խնդիր դրեցին՝ սոցիալիստական ինդուս-
տրիայի հզոր աճման բազայի վրա ապահո-
վել գյուղատնտեսության բոլոր ճյուղերի
շեշտակի վերելքը, երկու—երեք տարվա ըն-
թացքում լիովին բավարարել մեր երկրի ամ-
բողջ բնակչության աճող սրահանջները ժո-
ղովրդական սպառման ապրանքներով, իսկ
թեթև և սննդի արդյունաբերությունը՝ հում-
քով:

Այդ խնդրի հաջող լուծման համար մեծ

53-42
9707-59



նշանակութիւնն ունի գիտութեան նվաճում-
ների և առաջավոր փորձի պրոպագանդան
ու արմատավորումը արտադրութեան մեջ:

Առաջավոր կոլտնտեսութիւնները, ՄՏԿ-
ները և սովխոզները, գյուղատնտեսութեան
նորարարները լայնորեն կիրառելով գիտու-
թեան նորագոյն նվաճումները և առաջավոր
պրակտիկան, հարուստ փորձ են կուտակել
գյուղատնտեսական բոլոր կոլտնտեսներից
բարձր և կայուն բերք ստանալու, անասնա-
պահութեան բարձր մթերատուութեան հասնե-
լու և ժամանակակից գյուղատնտեսական
տեխնիկան բարձր արտադրողականութեամբ
օգտագործելու ասպարեզում:

Շատ կոլտնտեսութիւններ և ամբողջ
շրջաններ հեկտարից ստանում են 150—200
փութ ցորեն, 50 ցենտներից ավելի եգիպ-
տացորեն և հեկտարից 700—800 ցենտներ
սիլոսի կանաչ մասսա:

Առաջավոր կոլտնտեսութիւններում կար-
տոֆիլի բերքը հեկտարից հասնում է 200—
300 ցենտների, իսկ շատ առաջավորներ հեկ-
տարից ստանում են 500—600 ցենտներ
կարտոֆիլ և բանջարեղեն:

Առաջավոր կոլտնտեսութիւններում և սով-
խոզներում մեկ կովի միջին կաթնատու-
թիւնը հասնում է շորսից—հինգ հազար և

— 2 —

ավելի լիտրի, մեկ ոչխարի միջին բրդա-
տուութիւնը 6,5—7 կգ., յուրաքանչյուր հար-
յուր հեկտար վարելահողի դիմաց ստացւում
է երկուսից մինչև չորս տոննա խոզի միս:

Մեր երկրում առաջավոր փորձը ազգային
կապիտալ է, սովետական ժողովրդի հպար-
տութիւնը:

Կոլտնտեսային գյուղացիութեան, ՄՏԿ-
ների, սովխոզների բանվորների, գյուղա-
տնտեսութեան մասնագետների և կազմակեր-
պիչների անսպառ ստեղծագործական նա-
խաձեռնութիւնը երևան է բերում խոշոր սո-
ցիալիստական տնտեսութիւնը վարելու ագ-
րոտեխնիկական և զոոտեխնիկական նորա-
նոր առաջավոր եղանակներ ու մեթոդներ,
որոնք հնարավորութիւն են տալիս բարձ-
րացնելու աշխատանքի արտադրողականու-
թիւնը, ստանալու բարձր և կայուն բերք,
ավելացնելու հանրային անասունների մթե-
րատուութիւնը: Սոցիալիստական գյուղա-
տնտեսութեան նվաճումները լայնորեն պրո-
պագանդելու, կոլտնտեսութիւնների, սով-
խոզների և մեքենա-տրակտորային կայան-
ների, գյուղատնտեսութեան առաջավորների
և կազմակերպիչների առաջավոր փորձը,
ինչպես նաև գիտա-հետազոտական և փորձ-
նական հիմնարկների նվաճումները կոլտն-

— 3 —

տեսային և սովխոզային արտադրության մեջ արագորեն արձագանքող համար ՍՍՌՄ Մինիստրների Սովետը և Սովետական Միության Կոմունիստական պարտիայի Կենտրոնական Կոմիտեն որոշեցին 1954 թվականի օգոստոսի 1-ին Մոսկվայում, բացել մշտական գործող Համամիութենական գյուղատնտեսական ցուցահանդես:

Սահմանված է գյուղատնտեսական ցուցահանդեսի մասնակիցների ընտրության կարգը, ինչպես նաև հաստատված են այդ ընտրության ցուցանիշներն ու պայմանները:

Կոլտնտեսային և սովխոզային արտադրության բազմակողմանի զարգացումը, էկոնոմիկայի աճը թույլ տվեցին բարձրացնել ցուցանիշները Համամիութենական գյուղատնտեսական ցուցահանդեսի մասնակիցների համար:

ՍՄԿՊ Կենտրոնական Կոմիտեի Սեպտեմբերյան պլենումի որոշմանը համապատասխան սահմանված են հեկտարի եկամտաբերության, վարելահողերի, մարգագետինների և արոտավայրերի յուրաքանչյուր հարյուր հեկտարից անասնաբուծական արտադրանք ստանալու, արտադրության մեքենայացման և պրոգրեսիվ ագրոտեխնիկաների ձեռնարկումների կիրառման, խամ ու

— 4 —

խոպան և ցամաքեցված հողերի յուրացման նոր, չափազանց կարևոր ցուցանիշներ:

Համամիութենական գյուղատնտեսական ցուցահանդեսի այն մասնակիցներին խրախուսելու համար, որոնք առավել լավ ցուցանիշներ են ձեռք բերել գյուղատնտեսական կուլտուրաների բերքատվության բարձրացման, անասնապահության մթերատվության ավելացման, գյուղատնտեսական մեքենաների, պարարտանյութերի, թունաքիմիկատների և նավթամթերքների օգտագործման ասպարեզում, սահմանված են պարգևներ և մրցանակներ, որոնք ամեն տարի շնորհելու է Համամիութենական գյուղատնտեսական ցուցահանդեսի Գլխավոր կոմիտեն:

Ցուցահանդեսի բացումը նշանավոր իրադարձություն է մեր երկրում: Ցուցահանդեսը հանդիսանում է ոչ միայն սոցիալիստական գյուղատնտեսության նվաճումների, այլև մեր Հայրենիքի ամբողջ ժողովրդական տնտեսության, գիտության և կուլտուրայի նվաճումների մի իսկական համաժողովրդական ստուգատես:

Ցուցահանդեսը կրկին ու կրկին ցույց կտա կոլտնտեսային կարգերի ուժն ու հզորությունը, կցուցադրի սոցիալիստական գյու-

— 5 —

դատնտեսութեան առավելութիւնը մանր գյուղացիական և խոշոր կապիտալիստական տնտեսութեան հանդեպ: Նա ցուցադրում է քանի որ դասակարգի և կոլտնտեսային գյուղացիութեան տաշինքի անխորտակելի ուժն ու ամրութիւնը, որը դիմացել է սոցիալիստական հասարակարգի հաղթանակի և ամրապնդման համար մղված պայքարի, կոմունիզմի հաջող կառուցման համար մղվող պայքարի բոլոր փորձութիւններին և կցուցադրի այն հսկայական օգնութիւնը, որ քանի որ դասակարգը ցույց է տալիս կոլտնտեսային գյուղացիութեանը:

Համամիութենական գյուղատնտեսական ցուցահանդեսում կարտացոլվեն այն հսկայական փոփոխութիւնները, որ տեղի են ունեցել հետպատերազմյան ժամանակաշրջանում:

Մեր սոցիալիստական գյուղատնտեսութիւնն աշխարհում ամենախոշոր, ամենամեքենայացված գյուղատնտեսութիւնն է, որին պետութիւնը մատակարարում է գյուղատնտեսական նորանոր մեքենաներ, իսկ նորերը շարունակ փոխարինելով նորագույն մեքենաներով:

Սովետական Միութիւնում կան 94 հազար

— 6 —

կոլտնտեսութիւններ, մոտ ինը հազար մեքենա-տրակտորային կայաններ և ավելի քան 4.700 սովխոզներ: Այժմ գյուղատնտեսութեան մեջ կան ավելի քան մեկ միլիոն տրակտոր՝ տասնհինգ ուժանոցի վերածած, միլիոնավոր շատ ուրիշ նոր ու բարդ գյուղատնտեսական մեքենաներ և մեխանիզմներ:

Համամիութենական գյուղատնտեսական ցուցահանդեսը ցույց կտա, թե ինչպես Կոմունիստական պարտիայի և Սովետական կառավարութեան ղեկավարութեամբ կոլտնտեսութիւնները, սովխոզները և ՄՏԿ-ները պատմականորեն կարճ ժամանակամիջոցում կարողացան բուժել պատերազմի կոզմից հասցրած վերքերը, և հասնել նոր հաջողութիւնների գյուղատնտեսական արտադրութեան զարգացման ասպարեզում:

Համամիութենական գյուղատնտեսական ցուցահանդեսը ցույց կտա հզոր տեխնիկայի վրա հենվող կոլտնտեսային գյուղացիութեան պայքարը՝ կոմունիստական շինարարութեան ծրագրի կենսագործման համար, բնակչութեան համար սննդամթերքների և սննդի արդյունաբերութեան համար հումքի առատութիւնն ստեղծելու նպատակով:

Ցուցահանդեսի պալիլիոններում լայնորեն

— 7 —

կներկայացվեն ավելի քան 800 կոլտնտեսու-
թյուններ, 300 սովխոզներ, 200 մեքենա-
տրակտորային, անասնաբուծական, անտա-
ռապաշտպան և մարգագետնա-մելիորատիվ
կայաններ, ավելի քան 300 անասնաբուծա-
կան ֆերմաներ, մեծ թվով գիտա-հետազո-
տական և փորձագիտական հիմնարկներ,
գյուղատնտեսության հազարավոր առաջա-
վորներ, կազմակերպիչներ:

Ցուցահանդեսում հիանալի կլինի այն ա-
ռաջավոր կոլտնտեսությունների ու սով-
խոզների ցուցադրումը, որոնք վարելահողե-
րի, մարգագետինների և արոտավայրերի
յուրաքանչյուր հարյուր հեկտարից արդեն
ստանում են այնպիսի քանակությամբ ար-
տադրանք, որն անհրաժեշտ է մեր երկրի
ամբողջ բնակչությանը պարենով ապահո-
վելու համար՝ ըստ գիտականորեն հիմնա-
վորված նորմաների:

Համամիութենական գյուղատնտեսական
ցուցահանդեսը երևան կրերի առաջավոր
տնտեսությունների ամենաարժեքավոր փոր-
ձը, նրանց պրոգրեսիվ եղանակներն ու մե-
թոդները, որոնք հնարավորություն են տալիս
աշխատանքում հասնելու բարձր ցուցանիշ-
ների: Ցուցահանդեսը կլինի առաջավոր
փորձի իսկական դպրոց, մեծագույն ուժի

— 8 —

օրինակ, այն ամենի արոպագանդման ակ-
նառու և ակտիվ ձև, որը ձեռք են բերել գի-
տությունը և պրակտիկան:

Համամիութենական ցուցահանդեսի մաս-
նակիցները՝ կոլտնտեսականները, ՄՏԿ-նե-
րի, սովխոզների աշխատողները, գյուղա-
տնտեսության մասնագետներն ու կազմա-
կերպիչները կպատկվեն փառքով և համա-
ժողովրդական հարգանք կվայելեն:

Համամիութենական գյուղատնտեսական
ցուցահանդեսը իրեն հավասարը չունի աշ-
խարհում: Նրա զբաղեցրած տերիտորիան
անցնում է 200 հեկտարից: Այստեղ կառուց-
ված են երեք հարյուր տարբեր պավիլիոն-
ներ, շենքեր և այլ կառուցումներ:

Այցելուները ցուցահանդեսում կտեսնեն
չորս հիմնական բաժիններ: Դրանցից կենտ-
րոնականը այն է, որտեղ տեղավորված է
գլխավոր պավիլիոնը և բոլոր 16 ռեսպուբ-
լիկաների պավիլիոնները:

Հատուկ բաժիններում կցուցադրվեն բու-
սաբուծության, անասնաբուծության, գյու-
ղատնտեսության մեքենայացման և էլեկ-
տրիֆիկացիայի ասպարեզում ձեռք բերված
նվաճումները և այլն:

Ներկայումս երկրի տարբեր շրջաններից
լուրեր են ստացվում Համամիութենական

— 9 —

գյուղատնտեսական ցուցահանդեսին մասնակցելու համար ծավալված սոցիալիստական մրցության մասին: Մտնելով մրցության մեջ Ալթայի երկրամասի, տրտեղ այժմ վարում են խամ ու խոպան հողերը, առաջավոր ՄՏԿ-ների, կոլտնտեսությունների մեխանիզատորներն ու կոլտնտեսականները ստանձնում են նոր, բարձր սոցիալիստական պարտավորություններ:

Այդ մասին հաղորդումներ են ստացվում Ոսկրահայի, Հյուսիսային Կովկասի, Պովոլժիյի, Ուլբեկստանի, Մերձբալթյան ռեսպուբլիկաների առաջավոր շրջաններից: Անհրաժեշտ է, որ կոլտնտեսականների և մեքենատրակտորային ու մասնագիտական կայանների, սովխոզների ու անտառային տնտեսությունների աշխատողների, մասնագետների ու գյուղատնտեսության վազմակերպիչների միջև ամենուրեք մասսայական սոցիալիստական մրցություն ծավալվի Համամիութենական գյուղատնտեսական ցուցահանդեսին մասնակցելու իրավունքի համար, գյուղատնտեսության զարգացման պետական պլանների կատարման ու գերակատարման համար:

Գյուղատնտեսության մասնագետները պետք է սոցիալիստական մրցության կազ-

— 10 —

մակերպողները լինեն. նրանք պետք է պրոպագանդեն և գյուղատնտեսական արտադրության մեջ լայնորեն արմատավորեն առաջավոր կոլտնտեսությունների և սովխոզների՝ Համամիութենական գյուղատնտեսական ցուցահանդեսի մասնակիցների նվաճումները, պետք է լինեն գյուղատնտեսության բոլոր ճյուղերի շեշտակի վերելքի համար ակտիվ մարտնչողներ:

Ճիշտ են վարվում այն գյուղատնտեսական օրգանները, մեքենատրակտորային կայանների և կոլտնտեսությունների ղեկավարները, գյուղատնտեսական մասնագետները, որոնք այս օրերին հատուկ հոգատարություն են ցուցաբերում դարձյալ դաշտային աշխատանքներում առաջադեմ ագրոտեխնիկական եղանակներ ու մեթոդներ արմատավորելու գործում, աշխատում են հաջողություններ ավարտել անասունների ճմեռումը:

Գերազանց յուրացնել խամ, խոպան և մյուս չօգտագործված հողերը, բարձրացնել դաշտերի բերքատվությունը, ամեն կերպ զարգացնել հանրային անասնապահությունը, ընդարձակել կոլտնտեսային արտադրության մյուս ճյուղերը՝ ահա որը պետք է լինի Համամիութենական գյուղատնտեսական

ցուցահանդեսին մասնակցելու համար ծա-
վալվող մրցության գլխավոր նպատակը:

Ուժեղացնելով Համամիութենական գյու-
ղատնտեսական ցուցահանդեսին մասնակցե-
լու իրավունք տվող ցուցանիշների պարզա-
բանումը գյուղի բոլոր աշխատավորներին,
անհրաժեշտ է է՛լ ավելի բարձրացնել կոլ-
տնտեսականների, մեխանիզատորների, բո-
լոր աշխատողների աշխատանքային ակտի-
վությունը՝ գյուղատնտեսության բոլոր ճյու-
ղերի շեշտակի վերելքի կենսական խնդիրնե-
րը լուծելու համար:

ՍՍՌՄ ՊԵՏԱԿԱՆ ԲՅՈՒՋԵՆ ՏՆՏԵՍԱԿԱՆ ԵՎ ԿՈՒՆՏՈՒՐԱԿԱՆ ԽԱՂԱՂ ՇԻՆԱՐԱՐՈՒԹՅԱՆ ԲՅՈՒՋԵ Է

Պրոֆ. Ղ. ՇԱՔՍՐՅԱՆ

ՍՍՌՄ Գերագույն Սովետի վերջերս տեղի
ունեցած սեսիան քննարկեց և հաստատեց
սոցիալիստական պետության հիմնական
ֆինանսական պլանը՝ 1954 թվականի Պե-
տական բյուջեն:

Բյուջեի եկամուտների և ծախսերի պեր-
ճախոս թվերը վառ կերպով արտացոլում են
Կոմունիստական պարտիայի և Սովետա-
կան վառավարության քաղաքականությունը,
որն ուղղված է տնտեսական ու կուլտուրա-
կան խաղաղ շինարարությանը և աշխատա-
վորների նյութական ու կուլտուրական կյան-
քի մակարդակի անշեղ բարձրացմանը:

ՍՍՌՄ 1954 թվականի Պետական բյուջեն
հաստատված է եկամուտների գծով 572,5
միլիարդ ռուբլի և ծախսերի գծով՝ 562,8 մի-

լիարդ ռուբլի: Այս տարի եկամուտները ծախսերի նկատմամբ դերազանցում են 9,7 միլիարդ ռուբլով, որը վկայում է սովետական բյուջեի կայունության և սովետական ռուբլու կուրսի հետագա ամրապնդման մասին: Պետական բյուջեի ծավալն այս տարի, 1953 թվականի համեմատությամբ, կավելանա ավելի քան 48 միլիարդ ռուբլով, ընդ որում եթե հաշվի առնենք մանրածախ գների իջեցումը, բյուջեի աճը է՛լ ավելի զգալի է դառնում:

Սոցիալիստական էկոնոմիկայի բոլոր ծաղկման և Սովետական պետության ֆինանսական հզորության մասին ակնառու կերպով վկայում են Պետական բյուջեի աճման տեմպերը: Եթե առաջին հնգամյակի ընթացքում բյուջեի ծախսերը տարեկան միջին հաշվով կազմում էին 21,2 միլիարդ ռուբլի, երկրորդ հնգամյակում՝ 74 միլիարդ ռուբլի, երրորդ հնգամյակում (երեք տարում)՝ 150,5 միլիարդ ռուբլի, ապա չորրորդ հնգամյակում կազմեցին արդեն 373,1 միլիարդ ռուբլի, իսկ հինգերորդ հնգամյակի չորս տարում աճեցին, տարեկան կազմելով 495,2 միլիարդ ռուբլի:

ՍՍՄՄ Պետական բյուջեն իր բնույթով ու նշանակությամբ արմատապես տարբերվում

— 14 —

է կապիտալիստական պետությունների բյուջեներից: Կապիտալիստական պետությունների բյուջեները ամբողջովին ենթարկված լինելով ժամանակակից կապիտալիզմի հիմնական տնտեսական օրենքի պահանջներին, ծառայում են մոնոպոլիստական կապիտալի համար առավելագույն շահույթներ ապահովելու նպատակին: Ագրեսիայի քաղաքականությունը և էկոնոմիկայի միլիտարացումը, որի պայմաններում անընդհատ ավելանում է իր ծանրությամբ աշխատավորների ունեթիվն ընկած հարկային առանց այն էլ ծանր բեռը, խմբերիստական պետությունների բյուջեները դարձրել են նոր պատերազմների նախապատրաստման բյուջեներ: Հսկայական չափերով աճած ռազմական ծախսերը կլանում են բյուջետային ռեսուրսների առցուծի բաժինը, աշխատավորների անմիջական պահանջմունքների համար թողնելով, ինչպես մատնանշում էր Լենինը, «մուրացիկի բաժին»: ԱՄՆ-ում 1954—1955 թվականների բյուջեում ռազմական ծախսերը կազմում են բյուջեի ծավալի $\frac{3}{4}$ -ը, իսկ ժողովրդական կրթության ծախսերը՝ միայն ընդամենը 0,3 տոկոս: Բյուջեների խրոնիկական բնույթ կրող դեֆիցիտայնությունը, վալյուտաների ինֆլացիան ու արժեզրկումը վկայում են

կապիտալիզմի հետագա նեխման և տնտեսության ամբողջ կապիտալիստական սխտեմի ընդհանուր ճգնաժամի սրման մասին:

Սոցիալիզմի հիմնական տնտեսական օրենքի պահանջներին համապատասխան՝ Սովետական պետությունը բյուջետային միջոցների մեծ մասը հատկացնում է բնակչության նյութական ու կուլտուրական հարաճույն պահանջմունքների առավելագույն բավարարմանը և արտադրության հետագա աճմանը: 1954 թվականի բյուջեով այդ նպատակի համար կատարվող ծախսերը կազմում են ծախսերի ընդհանուր ծավալի $\frac{2}{3}$ -ից քիչ պակաս մասը:

Ընթացիկ տարում ժողովրդական տնտեսության համար կատարվող հատկացումները պլանավորված են 326,7 միլիարդ ռուբլու չափով, որը 1950 թվականի համեմատությամբ աճ է տալիս 57 տոկոսով: Այդ ծախսերի ընդհանուր գումարից մոտավորապես 216 միլիարդ ռուբլին առանձնացվում է բյուջեից: 1954 թվականին հսկայական միջոցներ են հատկացվում ժողովրդական տնտեսության առաջատար օղակի՝ արդյունաբերության և առաջին հերթին ծանր արդյունաբերության ֆինանսավորման համար, որն ապահովում է ժողովրդական տնտեսության

— 16 —

բոլոր ճյուղերի հաջող զարգացումը և ՍՍՌՄ տնտեսական հզորության հետագա ամրապնդումը: Ծանր արդյունաբերության գծով և արդյունաբերության մի շարք այլ ճյուղերի գծով ծախսերն այս տարի կկազմեն 133,2 միլիարդ ռուբլի, որից բյուջետային հատկացումների հաշվին՝ մոտավորապես 80 միլիարդ ռուբլի: Ժողովրդական սպառման ապրանքների արտադրության շեշտակի վերելքի և առևտրական կազմակերպությունների ցանցի ընդարձակման համար բյուջեի հաշվին առանձնացվում է 14,2 միլիարդ ռուբլի, իսկ եթե հաշվելու լինենք նաև ձեռնարկությունների և տնտեսական օրգանների սեփական միջոցները, ապա այդ ծախսերի ընդհանուր գումարը կկազմի ավելի քան 36,5 միլիարդ ռուբլի:

Գյուղատնտեսության շեշտակի վերելքի համար ՍՄԿՊ Կենտկոմի Սեպտեմբերյան և Փետրվար-մարտյան պլենումների ընդունած միջոցառումների կենսագործումը պետական մեծ ծախսեր է պահանջում: 1954 թվականին գյուղատնտեսության զարգացման ծախսերը կկազմեն 74,4 միլիարդ ռուբլի, կամ 42,4 տոկոսով ավելի, քան ներդրվել էր 1953 թվականին: 1954 թվականին միայն վերջին որոշումներից բխող լրացուցիչ ծախսերի

4704-54



համար կհատկացվի 47 միլիարդ ռուբլի, ՄՏ կայանների նյութա-տեխնիկական բազայի հետագա ամրապնդման ծախսերը 1954 թվականին աճում են 10,2 միլիարդ ռուբլով և կհասնեն 30,8 միլիարդ ռուբլու: Գյուղատնտեսության ընդհանուր ծախսերի մեջ անհրաժեշտ միջոցներ են նախատեսված խամ և խոպան հողերի յուրացման համար:

Բյուջեն ապահովում է այն ծախսերի հատուցումը, որոնք կապված են մանրածախ գների այս տարի կատարված նոր իջեցման հետ, որը բնակչությանը տարեկան տալիս է մինչև 20 միլիարդ ռուբլու լրացուցիչ շահում: Պարենային և արդյունաբերական ապրանքների մանրածախ գների սխտեմատիկ իջեցման շնորհիվ գլխավորեն աճել են աշխատավորների ռեալ եկամուտները և ներկայումս ժողովրդական սպառման ապրանքների գների մակարդակը 2,3 անգամ ցածր է, քան 1947 թվականին:

Սոցիալ-կուլտուրական միջոցառումների համար արվող հատկացումների գումարը 1954 թվականին նախատեսված է 141,4 միլիարդ ռուբլի, որը նախապատերազմյան 1940 թվականի համեմատությամբ աճել է ավելի քան 100 միլիարդ ռուբլով: Այս տարի լուսավորության և կուլտուրայի համար հատ-

— 18 —

կացված է 67,2 միլիարդ ռուբլի, աստղղապահության և ֆիզկուլտուրայի համար՝ 29,3 միլիարդ ռուբլի, սոցիալական ապահովագրության և սոցիալական ապահովության համար՝ 42,5 միլիարդ ռուբլի: 1954 թվականին է՛լ ավելի կմեծանա բոլոր ուսումնական հաստատություններում սովորողների թիվը, մասնավորապես հաջողությամբ կկենսադործվեն պարտիայի 19-րդ համագումարի դիրեկտիվները ընդհանուր միջնակարգ կրթության զարգացման մասին, գլխավորեն կընդլայնվի և կհազդեցվի սոցիալ-կուլտուրական հիմնարկների ցանցը: Սովետական գիտության զարգացման համար այս տարի բաց է թողնվում ավելի քան 9,5 միլիարդ ռուբլի: Այս տարի ժողովրդատնտեսական պլանով նախատեսված է կատարել քնակարանային մեծ շինարարություն, որի համար պետության կողմից ծախսվելու է 25,5 միլիարդ ռուբլի:

Պետական բյուջեն ամբողջովին ծառայում է աշխատավորների շահերին: Բավական է ասել, որ 1953 թվականին բնակչությանը բյուջեից 130 միլիարդ ռուբլի ավելի է ստացել, քան ինքը հատկացրել է բյուջեին, իսկ 1954 թվականին մեր երկրի աշխատավորնե-

կկազմի 48 միլիարդ ռուբլի, 1940 թվականի համեմատությամբ աճելով համարյա թե 7 անգամ:

Բյուջեի մեջ եկամուտների ժամանակին ստացումը և ամբողջ բյուջեի հաջող կատարումը անմիջականորեն կախված է տնտեսական պլանները քանակական և հատկապես որակական բոլոր ցուցանիշներով կատարելուց: Մինիստրությունները, գերատեսչությունները, կազմակերպությունները և ձեռնարկությունները պետք է ապահովեն արտադրական ու շինարարական պլանների, ինքնարժեքի իջեցման, աշխատանքի արտադրողականության բարձրացման, ներքին կուտակումների մոբիլիզացման, տնտեսաշվարկի արմատավորման առաջադրանքների կատարումը, վերացնեն ամեն տեսակ անարտադրողական ծախսերը, խնայողաբար օգտագործեն պետական միջոցները:

Ընկ. Գ. Մ. Մալինսկիը ՍՍՌՄ Գերագույն Սովետի առաջին սեսիայում արտասանած ճառում ասաց. «Մեր բոլոր տնտեսական կադրերի — արտադրության հրամանատարների պարտականությունն է՝ ժողովրդական տնտեսության բոլոր ճյուղերում գտնել ուղերվներ, դրանք գործի դնել, քիչ ծախսերով առավելագույն արդյունքների հասնել»:

— 22 —

1954 թվականին զգալիորեն աճում են նաև Ֆիոթենական ռեսպուբլիկաների բյուջեները, որը արդյունք է լենինյան-ստալինյան ազդային քաղաքականության հետևողական կենսագործման: Միոթենական ռեսպուբլիկաների բյուջեները այս տարի հաստատվել են 119,5 միլիարդ ռուբլի գումարով, կամ 13,7 միլիարդ ռուբլով ավելի, քան 1953 թվականին: Հայկական ՍՍՌ ընթացիկ տարվա պետական բյուջեն նախատեսված է 1 միլիարդ 225 միլիոն ռուբլի, որը 1940 թվականի համեմատությամբ աճ է տալիս ավելի քան 2,5 անգամ:

ՍՍՌՄ 1954 թվականի Պետական բյուջեն և նրա հաջող կատարումը է՛լ ավելի կամրապնդի մեր առցիալիստական Հայրենիքի հզորությունը, որը վստահորեն առաջ է ընթանում կոմունիզմի ուղիով:

ՀԱՍԱՐԱԿԱԿԱՆ ԵՎ ԱՆՁՆԱԿԱՆ ՇԱՀԵՐԻ
ԶՈՒԳԱԿՑՈՒՄԸ
ԿՈԼՏՆՏԵՍՈՒԹՅՈՒՆՆԵՐՈՒՄ

ՀՈՎՀ. ՎԱՐԳԱՆՅԱՆ

Պատմական գիտությունների բեկնածու

Սոցիալիզմի ժամանակ աշխատավորների անձնական շահերը անխզելիորեն կապված են նրանց հասարակական շահերի հետ: Սոցիալիստական հասարակարգում, ի հակադրություն կապիտալիզմի, արտադրությունը ոչ թե ենթարկված է շահույթ ստանալուն, այլ աշխատավորության նյութական և կոլտուրական մակարդակի անշեղ բարձրացմանը: Սոցիալիզմի ժամանակ անձնական շահերը ոչ միայն չեն հակադրվում հասարակական շահերին, այլ զուգակցվում են իրար, անբաժանելիորեն կապված են մեկը մյուսի հետ: Հասարակական և անձնական շահերի ճիշտ զուգակցումը՝ անձնական շահերը հասարակականին ենթարկելու պայմանով, հանդիսանում է սոցիալիստական հա-

— 24 —

սարակության կարևորագույն սկզբունքներից մեկը: Այն նպաստում է աշխատավորների կոմունիստական դաստիարակությանը, օգնում է ամրապնդելու աշխատանքային կարգապահությունը:

Մեր երկրում հասարակական և անձնական շահերի ճիշտ զուգակցման, նյութական հիմքը հանդիսանում է արտադրության գործիքների և միջոցների հանրային սեփականությունը: Անձնական և հասարակական շահերի զուգակցումը իրականացվում է աշխատանքի և բաշխման սոցիալիստական սկզբունքին համարադասխան՝ «յուրաքանչյուրից՝ ըստ նրա ընդունակությունների, յուրաքանչյուրին՝ ըստ նրա աշխատանքի»:

Աշխատանքի և բաշխման այդ սկզբունքը հետևողականորեն կիրառվում է ժողովրդական տնտեսության բոլոր քնադավառներում, նա կազմում է նաև կոլտնտեսային արտադրության անխախտ հիմքը, որն իր արտահայտությունն է գտել գյուղատնտեսական արտելի Կանոնադրության մեջ: Գյուղատնտեսական արտելը հանդիսանում է միակ ճիշտ ձևը սոցիալիզմի ժամանակաշրջանում, աշխատավոր գյուղացիությանը հանրային տնտեսության դարգացման միջոցով սոցիալիստական յուրյին փոխադրելու համար, նա

— 25 —

հիանալի կերպով զուգակցում է կոլտնտես-
սականների անհատական և հասարակական
շահերը, կոլտնտեսականների անձնական
կենցաղային շահերը ենթարկում է հասարա-
կական շահերին և հեշտացնում է նախկին
մենատնտես գյուղացիների դատարարակու-
մը կոլեկտիվիզմի ոգով:

Կոլտնտեսությունների վարպետացման և կոլ-
տնտեսականների անձնական շահերը կոլ-
տնտեսության ու պետության շահերի հետ
ճիշտ զուգակցելու գործում վճռական դեր է
խաղում հանրային սեփականությունը, որը
ՍՍՄՄ-ում ոմնի երկու ձև՝ պետական-համա-
ժողովրդական և կոոպերատիվ-կոլտնտեսա-
յին: Պետական-սոցիալիստական սեփակա-
նությունը պատկանում է առաջատար դեր՝
ժողովրդական տնտեսության բոլոր բնագա-
վառներում:

Կոլտնտեսային արտադրության վարպե-
տացման գործում պետական սեփականության
առաջատար դերը ապահովվում է առաջին
հերթին մեքենա-տրակտորային կայանների
միջոցով: Հանդիսանալով սոցիալիստական
գյուղատնտեսության ինդուստրիալ-մշակա-
տելանիկական բազան, մեքենա-տրակտորա-
յին կայանները վճռական դեր են խաղում
կոլտնտեսությունները կազմակերպորեն,

— 26 —

տնտեսապես ամրապնդելու, սովետական
գիտության նվաճումները գյուղատնտեսու-
թյան մեջ արմատավորելու և սովետական
պետության ղեկավարությունը կոլտնտեսու-
թյունների նկատմամբ ապահովելու գործում:

Պետությունը պատկանող արտադրության
հիմնական միջոցների գործադրումը կոլտն-
տեսային արտադրության մեջ զուգակցվում է
գյուղատնտեսական արտելի արտադրության
միջոցների և կոլտնտեսականների աշխա-
տանքի հետ: Այս ճանապարհով տեղի է ու-
նենում առանձին կոլտնտեսությունների և
կոլտնտեսականների անձնական շահերի զու-
գակցումը սովետական պետության հանրա-
յին շահերի հետ: Պետական սեփականու-
թյան աճումը նպաստում է հանրային տնտե-
սության աճմանը և ամրապնդմանը կոլտն-
տեսությունում, իսկ վերջինս կազմում է
կոլտնտեսային կարգի հիմքը և կոլտնտեսա-
կանների ոմնեոր կյանքի աղբյուրը:

Սոցիալիզմից կոմունիզմին անցնելու ժա-
մանակաշրջանում հանրային տնտեսությունը
վճռական դեր է խաղում կոլտնտեսային
կարգի ամրապնդման և սոցիալիստական
գյուղատնտեսության շեշտակի վերելքը կազ-
մակերպելու գործում:

Կոլտնտեսությունների ամրապնդման, նը-

— 27 —

րանց հանրային տնտեսության աճման ու զարգացման հիման վրա աճում են կոլտրնտեսականների անձնական դրամական և նստուրալ եկամուտները: Սովետական պետության բազմակողմանի օգնության և կոլտրնտեսականների ազնիվ ու բարեխիղճ աշխատանքի շնորհիվ տարեցտարի աճում են կոլտնտեսությունների անբաժանելի ֆոնդերը: Նախապատերազմյան 1940 թվականի համեմատությամբ 1952 թվականին մեր երկրի կոլտնտեսությունների անբաժանելի ֆոնդերը կրկնապատկվել են:

Որքան բարձր է դրուղատնտեսական կոլտուրաների բերքատվությունը, որքան արագ կերպով է ավելանում հանրային անասունների գլխաքանակը և նրանց մթերատվությունը, այնքան արագ կերպով է աճում կոլտնտեսությունների ապրանքային արտադրանքը և աշխօրերի արժեքը:

Ուստի յուրաքանչյուր կոլտնտեսականի անձնական բարեկեցությունը ամենից առաջ կախված է հանրային, արտելային տնտեսության անընդհատ աճումից և ամրապնդումից, անձնական և հասարակական շահերի ճիշտ զուգակցումից կոլտնտեսությունում: Այսպես, օրինակ, հողի յուրաքանչյուր հեկտարը ճիշտ օգտագործելու, հողագործու-

— 28 —

թյան կոլտուրան և անասնաբուծության մթերատվությունը բարձրացնելու համար ծավալված պայքարի շնորհիվ, Մոսկվայի մարզի Լուխովիցկի շրջանի Ստալինի անվան կոլտնտեսությունն իր դրամական եկամուտները 1948 թվականի 1,583 հազար ռուբլուց 1952 թվականին հասցրեց 3,780 հազար ռուբլու, այդ հիման վրա կոլտնտեսականների դրամական եկամուտը մեկ աշխօրին 4,4 ռուբլուց բարձրացավ և 1952 թվականին կազմեց 10 ռուբլի:

Հայկական ՍՍՌ Շամշադինի շրջանի Կիրովի անվան կոլտնտեսության դրամական եկամուտները 1950 թվականի 603.018 ռուբլու դիմաց 1953 թվականին կազմեցին մեկ միլիոն 490.286 ռուբլի, դրան համապատասխան՝ կոլտնտեսականներին հատանելիք դրամական եկամուտը 1953 թվականին աճեց ավելի քան 4 անգամ: Հոկտեմբերյանի շրջանի Լենինի անվան կոլտնտեսության դրամական եկամուտները 1953 թվականին նախորդ տարվա համեմատությամբ աճեց 1.005.659 ռուբլով, դրա հիման վրա մեկ աշխօրի դիմաց կոլտնտեսականների ստացած դրամը 11 ռուբլուց բարձրացավ մինչև 14 ռուբլի:

Բեցված օրինակներից պարզ երևում է, թե

ինչպես կոլտնտեսութեանների հանրային տնտեսութեան զարգացումը և դրա շնորհիւ կոլտնտեսականների եկամտաների աճումն ու այդ հիման վրա նրանց անձնական սրահանջմանքների բավարարումը իրենց հերթին նպաստում են կոլտնտեսականների անձնական նշույթական շահագրգռվածության բարձրացմանը կոլտնտեսային արտադրության զարգացման գործում: Ուստի անձնական և հասարակական շահերի ճիշտ զուգակցումը կարևորագույն միջոց է կոլտնտեսութեաններում աշխատանքի արտադրողականութեանը բարձրացնելու գործում:

Կոլտնտեսականների անձնական շահերը բավարարվում են նաև նրանց տնտեսորդ տնտեսության միջոցով, որը զուգակցվում է հանրային տնտեսության հետ: Այդ է պատճառը, որ գյուղատնտեսական արտելի կանոնադրությամբ յուրաքանչյուր կոլտնտեսականի տնտեսության իրավունք է վերադասվում տնտեսալու իր անձնական, անփական, օժանդակ տնտեսությունը (այգի, բանջարանոց, կով, ոչխարներ և այլն)՝ իր սպառողական սրահանջները բավարարելու համար: Սակայն կոլտնտեսականների անձնական և հասարակական շահերի ճիշտ զուգակցումը ամենից առաջ նշանակում է կոլտնտեսու-

— 30 —

թյան հանրային տնտեսությանը քնդարձակում և ամրապնդում: Անձնական և հասարակական շահերի ճիշտ զուգակցման գործում բացառիկ մեծ դեր է խաղում աշխօրը, որը հանդիսանում է աշխատանքի կազմակերպման և վարձատրման սոցիալիստական սկզբունքների արտահայտությունը կոլտնտեսությունում: Աշխօրը կոլտնտեսային կարգի զարգացման ներկա էտապում, որպես աշխատանքի և սպառման չափանիշ, լավագույն ձևով է զուգակցում կոլտնտեսության հանրային շահերը կոլտնտեսականների անձնական շահերի հետ: Աշխօրը խոշոր խթան է հանդիսանում, որի օգնությամբ ապահովվում է կոլտնտեսությունների հանրային տնտեսության ամրապնդումը և յուրաքանչյուր կոլտնտեսականի բարեկեցության բարձրացումը:

Առաջավոր կոլտնտեսությունների աշխատանքի փորձը, նրանց նվաճումները ցույց են տալիս այն անսահման հնարավորությունները, որ կան սոցիալիստական խոշոր գյուղատնտեսության արտադրության հիմքում: Կոմունիստական պարտիան և Սովետական կառավարությունը կոլտնտեսային գյուղացիությանը ցույց են տալիս բազմա-

— 31 —

կողմանի օգնություն՝ այդ հնարավորությունները լրիվ չափով օգտագործելու համար:

ՍՄԿՊ Կենտկոմի Սեպտեմբերյան պլենումը նշեց, որ մինչև վերջին ժամանակներս գյուղատնտեսության մեջ տեղի են ունեցել անձնական և հասարակական շահերի ճիշտ զուգակցման, աշխատողների նյութական շահագրգռվածության սկզբունքների խախտումներ: Պարտիան և կառավարությունն անհրաժեշտ մի շարք միջոցառումներ են իրականացնում գյուղատնտեսության շեշտակի վերելքն ապահովելու, գյուղատնտեսական արտադրության ընդարձակման գործում կոլտնտեսությունների և կոլտնտեսականների նյութական շահագրգռվածությունը բարձրացնելու, կոլտնտեսային գյուղացիության եկամուտներն ավելացնելու ուղղությամբ:

Զգալիորեն իջեցված են կոլտնտեսականների անձնական տնտեսությունից գանձվող գյուղատնտեսական հարկը և սրարտագիր հանձնումների նորմաները, արդեն բարձրացվել են գյուղատնտեսական մթերքների մթերման գները: Սովետական պետությունը լիովին զիջել է կոլտնտեսությունների գյուղատնտեսական հարկի անցյալ տարիների ապառքները, ինչպես նաև կարտոֆիլի և ա-

— 32 —

նասնաբուծության մթերքների սրարտագիր հանձնումների սրարտքերը: Միջոցառումներ են գործադրվում կարտոֆիլի և բանջարեղենի կոլտնտեսային առևտուրն է՛լ ավելի ծավալելու համար: Կազմակերպվում է ավելցուկ մթերքների զնումը կոլտնտեսություններից և կոլտնտեսականներից՝ ավելի բարձր գներով:

Այդ բոլոր միջոցառումների անցկացման շնորհիվ 1953 թվականին կոլտնտեսությունների և կոլտնտեսականների եկամուտները աճեցին ավելի քան 13 միլիարդ ռուբլով: Պարտիան և կառավարությունը միջոցառումներ են անցկացնում երկրում հացահատիկի արտադրության հետագա ավելացման և խապան ու խամ հողերի յուրացման ուղղությամբ:

Անձնական ու հասարակական շահերի ճիշտ զուգակցումը կոլտնտեսություններում հանդիսանում է կարևորագույն պայմաններից մեկը սոցիալիստական գյուղատնտեսության շեշտակի վերելքն ապահովելու և այդ հիման վրա մեր երկրում ժողովրդական սպառման առարկաների առատությունը քստեղծելու համաժողովրդական խնդիրը լուծելու գործում:

ԱԳԻՏԱՏՈՐԻ ԶՐՈՒՅՑԸ ՏՈՐՖԱ-ԲՈՒՍԱՅԻՆ ԹԱՂԱՐՆԵՐՈՒՄ ՑԱՆՔԻ ԵՎ ՄՇԱԿՈՒԹՅԱՆ ՄԱՍԻՆ

Ս. ԱՆՏՈՆՅԱՆ

Սովետական առաջավոր դիտությունը և գյուղատնտեսության առաջավորների խիզախումները լայն հնարավորություն են ստեղծել բանջարանոցային կուլտուրաների բերքատվությունը բարձրացնելու գործում: Այդ խիզախումներից մեկն էլ տորֆա-բուսային թաղարներում բանջարեղենի ցանքը կատարելու մեթոդն է, որը լայն տարածում է ստացել մեր երկրի բազմաթիվ կուլտնտեսություններում, ինչպես նաև Շահումյանի շրջանում:

Շրջանի կուլտնտեսությունները ընթացիկ տարում մի քանի տասնյակ հեկտար տարածության վրա բանջարանոցային կուլտուրաներ են աճեցրել տորֆա-բուսային թաղարներում կատարվող ցանքի միջոցով:

— 34 —

Կուլտնտեսականների հետ ագիտատորները սխտեմատիկաբար զրույցներ են ունենում տորֆա-բուսային թաղարներում բանջարեղենի ցանքի և այդ մեթոդով բանջարեղենի բարձր բերք աճեցրած Միության, ինչպես նաև մեր ռեսպուբլիկայի և մեր շրջանի առաջավոր կուլտնտեսությունների փորձի և ձեռք բերած նվաճումների մասին:

Այդ գործում աշխատանքի ուսանելի փորձ ունի Չարբախի կուլտնտեսության ագիտատոր ընկ. Ստեփան Արոյանը: Օրերս նա կուլտնտեսության բանջարաբույծների համար հատուկ զրույց կազմակերպեց տորֆա-բուսային թաղարներում բանջարա-բուստանային կուլտուրաների ցանք կատարելու և այն մշակելու առաջավոր փորձի մասին: Դիմելով ունկնդիրներին, նա ասաց, — այժմ պարտիան ու կառավարությունը խնդիր են դնում ավելացնել բանջարեղենի արտադրությունը և լիովին բավարարել բնակչության և արդյունաբերության աճող պահանջմունքները: Ագիտատորը ունկնդիրներին հանդամանորեն պատմեց մեր երկրի առաջավոր բանջարաբույծների մասին, որոնք բանջարեղենի ռեկորդային բերք են ստացել:

— Անցյալ գյուղատնտեսական տարում, ասաց նա, Մինսկի մարզի Մինսկի շրջանի

— 35 —

Գաստելլոյի անվան կոլտնտեսութիւնում բրիգադիր ընկ. Մազուրկովիչը հողի նույն տարածութիւնից 40 տոկոսով բանջարեղենի ավելի բերք հավաքեց, քան կոլտնտեսութեան մյուս բրիգադաները, Կիւի մարզի Կիւո-Սվյատոշինսկի շրջանի «Բոլշէիկ» կոլտնտեսութիւնում բանջարաբույծ Զուպրովսկին, որը սածիլներն աճեցրել էր թաղարներում, մյուս բանջարաբույծների համեմատութեամբ, ամեն մի հեկտարից 48 ցենտներ կաղամբի, 36 ցենտներ պամիդորի, 40 ցենտներ վարունգի ավելի բերք ստացավ:

Այս կոլտնտեսութիւններում անցյալ տարի բանջարանոցային կուլտուրաների ցանքը սկսվեց 10 օր ուշ, քան մեր կոլտնտեսութիւնում, սակայն նրանց մոտ բերքահավաքը սկսվեց 5 օր շուտ, քան մեզ մոտ: Այդ նշանակում է բույսի բերքատվութեան շրջանը երկարացնել, որը հենց բարձր բերք նվաճելու գլխավոր պայմաններից մեկն է:

Նշված կոլտնտեսութիւններում բանջարեղենի միջշարային կուլտիվացիան, փխրեցումը և մշակութեան մի շարք այլ աշխատանքներ ամբողջովին մեքենայացված են, մինչդեռ մեր կոլտնտեսութիւնում մշակութեան աշխատանքների մեծ մասը կատարվում է ձեռքով: Մեկ հեկտար տարածութեան

— 36 —

վրա կատարելով գրեթե նույնքան աշխատանք, անցյալ տարի մեր կոլտնտեսութիւնը 3000 ռ. ավելի պակաս եկամուտ ստացավ, քան Մինսկի շրջանի Գաստելլոյի անվան և «Բոլշէիկ» կոլտնտեսութիւնները: Նման օրինակներ կարելի է շատ բերել: Ինչպես գիտեք մեր կոլտնտեսութիւնը մոտ 100 հեկտար տարածութեան վրա բանջարեղեն պետք է աճեցնի: Եթե այդ տարածութիւնը մշակվի նոր մեթոդով, ապա հնարավոր կլինի կոլտնտեսութեան ընդհանուր եկամուտը ավելացնել առնվազն 2—3 հարյուր հազար ռուբլով և մեկ աշխօրի միջին հասանելիքը՝ 2—3 ռուբլով: Բացի այդ, բանջարեղենի ցանքի մշակութեան մեքենայացման շնորհիվ վտնտեսվի մեծ քանակութեամբ բանվորական ուժ, որը կարելի է օգտագործել կոլտնտեսային աշխատանքի այլ ճակատամասերում:

Այնուհետև ագիտատորը ունկնդիրներին պատմեց բանջարանոցային կուլտուրաների բերքատվութիւնը բարձրացնելու գործում իրենց կոլտնտեսութեան և հարեան կոլտնտեսութիւնների առաջավոր բրիգադաների, օղակների ու բանջարաբույծների կատարած աշխատանքի մասին: Նորագավթի, Սպանդարյանի և մեր կոլտնտեսութեան առանձին

հողամասերից, — ասաց ագիտատորը, — անցյալ տարի 500—600 ցենտներ պոմիդորի, պղպեղի և դդմիկի բերք ստացվեց: Այդ բերքը ավելի շատ կլիներ, եթե ցանքը կատարված լիներ տորֆա-բուսային թաղարներում: Դա հնարավորություն կտար մինչև աշնան ցրտահարության սկսվելը բերքը հավաքել լիովին, իսկ մինչև հիմա մենք բանջարանոցային կուլտուրաների՝ հատկապես պոմիդորի և պղպեղի բերքը դաշտից լիովին չենք կարողանում հավաքել, որովհետև նրա մի մասը ցրտահարվում է: Գործնականում ապացուցված է, որ տորֆա-բուսային թաղարների դեպքում բանջարանոցային կուլտուրաների բերքահավաքը կարելի է առնվազն 5—10 օր շուտ սկսել և յուրաքանչյուր հեկտարից 20—30 ցենտներ լրացուցիչ բերք հավաքել:

Զրույցի վերջում կոլտնտեսականները մի շարք հարցեր տվեցին ագիտատորին, որոնց նա և ՄՏ կայանի ագրոնոմը (վերջինս հենց այդ նպատակով հրավիրված էր զրույցին մասնակցելու) գոհացուցիչ պատասխան տվեցին: Այժմ կոլտնտեսականները թաղարները հաջողությամբ տեղափոխում են դաշտ:

Թաղարների դաշտ տեղափոխումը մեծ հետաքրքրություն է առաջ բերել կոլտնտե-

— 38 —

սային աշխատավորների լայն շրջանում: Մեծ թվով բանջարաբույծներ ակտիվ կերպով մասնակցում են այդ աշխատանքներին և խելացի առաջարկություններ անում բանջարանոցային կուլտուրաների մշակությունը բարելավելու վերաբերյալ: Տորֆա-բուսային թաղարների պատրաստման, ցանքի և մշակության արդյունքների մասին ագիտատորները բացատրական աշխատանք են կատարում նաև շրջանի մյուս կոլտնտեսություններում: Մեքենա-տրակտորային վաշանի ագիտատոր Հ. Յաղոսբյանը, որը մասնագիտությամբ ագրոնոմ է, հաճախակի զրույցներ է ունենում Շահումյան ավանի Ստալինի անվան կոլտնտեսության բանջարաբույծների հետ՝ տորֆա-բուսային թաղարների մշակության մասին: Բացի զրույցներ կազմակերպելուց, նա տորֆա-բուսային թաղարների և բանջարեղենի քառակուսի-բնային ցանքին նվիրված իլյուստրացիաներ, պատի թերթեր է լույս ընծայում:

Շրջանի ագիտատորները պարտիական կազմակերպությունների ղեկավարությամբ առաջիկայում ավելի եռանդագին կաշխատեն և կօգնեն կոլտնտեսություններին՝ արտադրության մեջ լայնորեն արմատավորելու գիտության նվաճումները և առաջավոր փորձը:

ԱՆՇԵՂՈՐԵՆ ԲԱՐՋՐԱՆՈՒՄ Է ՍՈՎԵՏԱԿԱՆ ԺՈՂՈՎՐԴԻ ԲԱՐԵԿԵՅՈՒԹՅՈՒՆԸ

(Թվեր և փաստեր)

Կոմունիստական պարտիան և Սովետական կառավարությունը հաջողությամբ փրականացնում են իրենց գլխավոր խնդիրը՝ անընդհատ բարելավում են բանվորների, կոլտնտեսականների, ինտելիգենցիայի, բոլոր սովետական մարդկանց նյութական բարեկեցությունը:

Մեր երկրի ամբողջ ժողովրդական տնտեսության աճի, ազգային եկամտի աճի հիման վրա խոշոր հաջողություններ են ձեռք բերվել սովետական ժողովրդի կյանքի նյութական և կուլտուրական մակարդակի հետագա բարձրացման գործում: Այդ են հաստատում հետևյալ թվերն ու փաստերը:

★ Մեր երկրի աշխատավորների՝ բանվորների, ծառայողների, կոլտնտեսականների եկամուտների ընդհանուր գումարը, հաշվի առնելով պետական մանրածախ գների իջեցումը, անցած չորս տարում աճել է 60 տոկոսով: Այդ նշանակում է, որ մեզ մոտ սիստեմատիկաբար բարձրանում է բանվորների ու ծառա-

— 40 —

յողների ռեալ աշխատավարձը, ավելանում են կոլտնտեսականների եկամուտները:

★ ՍՍՌՄ-ում անընդհատ ավելանում է ժողովրդական սպառման ապրանքների թողարկումը: Միայն 1953 թվականին գործարկվեց ժողովրդական սպառման ապրանքներ արտադրող մոտ 300 նոր ձեռնարկություն: Միաժամանակ թեթև ու սննդի արդյունաբերության գործող ձեռնարկություններում կատարվում է սարքավորման նշանակալի նորացում:

★ Միայն վերջին չորս տարում արդյունաբերական, գյուղատնտեսական ձեռնարկությունների, կուլտուր-կենցաղային հիմնարկների և բնակարանային շինարարության մեջ ներդրվել է ավելի քան 500 միլիարդ ռուբլի, կամ 52 տոկոսով ավելի, քան նախորդ չորս տարիներին: Հետպատերազմյան տարիներին քաղաքներում և ավաններում կառուցվել են ավելի քան 183 միլիոն քառակուսի մետր բնակելի տարածություն՝ բանվորների ու ծառայողների համար և ավելի քան 4 միլիոն տոմս՝ կոլտնտեսականների ու գյուղական ինտելիգենցիայի համար:

★ 1954 թվականի համար կառավարությունը նախատեսել է փրականացնել բնակելի տների շինարարության լայն ծրագիր: Այդ նպատակով առանձնացված է 25,5 միլիարդ ռուբլի, որ զգալիորեն գերազանցում է անցած տարվա ծախսերը:

★ Ժողովրդական սպառման առարկաների արտադրությունը միայն անցյալ տարի, 1949 թվականի հա-

— 41 —

մեմատությունը, ավելացավ 65 տոկոսով: Ձկան որսի, մսի, կենդանական յուղի, շաքարավազի, բրդե գործվածքների արտադրության միմիայն այն աճը, որ ձեռք կրեց 1954—1956 թվականներին, կգերազանցի այդ ապրանքների արտադրության 1940 թվականի նմանը ծավալը:

★ 1947 թվականից սկսած 7 անգամ անց է կացվել լայն սպառման ապրանքների մանրածախ գների իջեցում և, դրանով իսկ, անշեղորհն աճում է բանվորների ու ծառայողների ռեալ աշխատավարձը: Օրինակ, 1953 թվականին ընդհանուր առմամբ բանվորների ու ծառայողների եկամուտը մեկ աշխատողի հաշվով 1952 թվականի համեմատությամբ աճել է ավելի քան 13 տոկոսով: Միայն անցյալ տարվա և այս տարվա գների իջեցումից բնակչությանն ստացավ 70 միլիարդ ռուբլու օգուտ:

★ Ժողովրդի նյութական բարեկեցությունը բարձրացնելու վերաբերյալ պարտիայի և կառավարության կողմից վերջերս ընդունված միջոցառումների շնորհիվ (սոցիալ-կուլտուրական միջոցառումների համար սեփական ծախսերի ավելացում, գների իջեցում և այլն) Սովետական Միության բնակչությունը 1954 թվականին, 1953 թվականի համեմատությամբ, կըստանա մոտ 45 միլիարդ ռուբլու լրացուցիչ օգուտներ:

★ ՍՍՍՐ գյուղատնտեսության զարգացման մասին պարտիայի և կառավարության կողմից ընդունված

— 42 —

միջոցառումների շնորհիվ կոլտնտեսությունների և կոլտնտեսականների դրամական եկամուտները 1952 թվականի համեմատությամբ 1953 թվականին ավելացան գրեթե 45 տոկոսով: Դրամական եկամուտների աճի կապակցությամբ կոլտնտեսությունների միջոցները Պետքանկի նրանց հաշիվներում 1953 թվականի ընթացքում ավելացան 85 տոկոսով, իսկ կոլտնտեսությունների անբաժանելի ֆոնդերի միջոցները Գյուղքանկի հաշիվներում՝ 32 տոկոսով:

★ ՍՍՍՐ ազգային եկամտի աճման շնորհիվ 1953 թվականին է՛լ ավելի բարձրացավ ժողովրդական սպառման մակարդակը. բանվորների, ծառայողների և գյուղացիների եկամուտների ընդհանուր գումարը 1953 թվականին 1952 թվականի համեմատությամբ (համադրելի գներով) աճեց ավելի քան 13 տոկոսով:

★ Բանվորները, կոլտնտեսականները, ծառայողները 1952 թվականի 61 միլիարդ ռուբլու դիմաց 1953 թվականին ստացել են 130 միլիարդ ռուբլով ավելի, քան նրանք իրենց անձնական եկամուտներից մուծել են բյուջե:

★ Բնակչության եկամուտների սխառնատիկ ավելացման շնորհիվ մեր երկրում գնալով ավելանում է ապրանքաշրջանառությունը: Մանրածախ ապրանքաշրջանառությունը 1953 թվականին, 1952 թվականի համեմատությամբ, համադրելի գներով ավելացել է 21 տոկոսով, իսկ գյուղում՝ 24 տոկոսով:

★ Առևտրական կազմակերպությունները 1953

— 43 —

թվականին և 1954 թվականի առաջին եռամսյակում, անցած տարվա համապատասխան ժամանակաշրջանների համեմատությամբ, բնակչությանը վաճառելու համար շատ ավելի ապրանք են ստացել: Միայն այս տարվա առաջին եռամսյակում, 1953 թվականի նույն ժամանակաշրջանի համեմատությամբ, մսամթերքներ ստացվել է 39,7 տոկոսով ավելի, ձկնամթերքներ՝ 14,9 տոկոսով, կենդանական յուղ՝ 40,5 տոկոսով, շաքար՝ 22,2 տոկոսով, բրդե գործվածքներ՝ 67,6 տոկոսով, մետաքսե գործվածքներ՝ 70,3 տոկոսով և այլն:

★ Մանրածախ ապրանքաշրջանառությունը 1954 թվականի առաջին եռամսյակում, 1953 թվականի առաջին եռամսյակի համեմատությամբ, աճել է ընթացիկ գներով 15,5 տոկոսով, իսկ համադրելի գներով՝ 30 տոկոսով: Գյուղում ապրանքաշրջանառությունը ընթացիկ գներով աճել է 26 տոկոսով, համադրելի գներով՝ 40 տոկոսով:

1951—1955 թ. թ. հնգամյա պլանով նախատեսված էր հինգ տարում ապրանքների գների իջեցում կատարել 23,5 տոկոսով: Գների՝ սույն թվականի ապրիլի 1-ից կատարված իջեցման հաշվառումով, հինգերորդ հնգամյակի չորս տարում գներն արդեն իջել են ավելի քան 25 տոկոսով: Գների իջեցման վերաբերյալ հնգամյա պլանը կատարված և գերազանցողիկ է:

★ Ապրանքների այն քանակը, որ բնակչությունը

— 44 —

կարող էր 1947 թվականին գնել 1000 ուրբով, այժմ կարող է գնել 433 ուրբով, այսինքն 567 ուրբի մերձում է բնակչության տրամադրության տակ՝ իր սպառումն ու խնայողությունները բարձրացնելու համար: Յոթ տարվա ընթացքում այդպիսի նվաճումը մատչելի չէ ուրիշ ոչ մի պետության, բացի սոցիալիստականից:

★ Մեր երկրի բանվորների ու ծառայողների միջին դրամական աշխատավարձը ամբողջությամբ վերցրած 1940 թվականի համեմատությամբ 1953 թվականին բարձրացել է 219 տոկոսով:

★ Այժմ արդեն բնակչության համար շատ կարևոր որոշ ապրանքներ վաճառվում են նախապատերազմյան 1940 թվականից ավելի ցածր գներով, ինչպես, օրինակ, ոչխարի միսը, թռչունը, երշիկը, սոսիսկան, կարտոֆիլը, բանջարեղենը, մրգեղենը, ցորենի սպիտակ հացը, որ քաղաքային բնակչության սպառման մեջ ներկայումս կազմում է ավելի քան 50 տոկոս: Մինչպատերազմյանից ավելի ցածր գներով են վաճառվում մահճակալները, ձեռքի ժամացույցները, պատեֆոնները, մեխը, ցեմենտը, շիֆերը, սպիտակ ներկը, օլիֆը և մի քանի այլ ապրանքներ:

Հնգամյա պլանով նախատեսված է հինգ տարում բանվորների և ծառայողների ռեալ աշխատավարձի բարձրացում՝ 35 տոկոսով: Ելնելով գների՝ ընթացիկ տարում կատարված իջեցումից, ռեալ աշխատավարձի բարձրացման գծով հնգամյակի առաջադրանքի

— 45 —

կատարումը ապահովվում է ժամկետից շուտ՝ չորս տարում:

Այդ ամենը աշխատավոր մարդու կարիքների նըկատմամբ պարտիայի և կառավարության մշտական հոգատարության պրակտիկ հաստատումն է: Այդ ամենն ասում է, որ մեր կառավարությունը իսկական ժողովրդական կառավարություն է, որ նրա խոսքը գործից երբեք չի տարբերվում:

ՏԵՂԵԿԱՏՈՒ ԲԱԺԻՆ

ՔԻՄԻԱՆ ԳՅՈՒՂԱՏՆՏԵՍՈՒԹՅԱՆ ՄԵԶ

ՍՍՌՄ քիմիական արդյունաբերությունը 1964 թվականին մոտավոր հաշվարկումներով գյուղատնտեսությանը կտա 28—30 միլիոն տոննա հանքային պարարտանյութ, որի ճիշտ և լրիվ օգտագործումով ամեն տարի երկիրը լրացուցիչ կերպով կստանա 2 միլիոն տոննա բամբակի, վուշի, կանեփի թել, մոտ 3 միլիոն տոննա շաքար, մոտ 30 միլիոն տոննա վարսոֆիլ, ավելի քան 50 միլիոն տոննա հացահատիկ և այլն: Այդ բոլորի հետ միաժամանակ մեծ քանակությամբ կբարձրանա բանջարեղենի, պտղատու այգիների, կերաբույսերի և գյուղատնտեսական այլ կուլտուրաների բերքատվությունը: Միաժամանակ գյուղատնտեսական կուլտուրաների վնասատուների և հիվանդությունների դեմ պայքարելու համար քիմիական արդյունաբերությունը գյուղատնտեսությանը տալիս է թուլյներ, որոնք մեծ չափերով նպաստում են բերքատվության բարձրացմանը:



Սովետական քիմիկոսները ստեղծել են քիմիական նոր միջոցներ, որոնք արագացնում կամ դանդաղեցնում են բույսերի աճը, ոչնչացնում են մոլախոտերը: Քիմիան մեծ դեր է խաղում հատկապես բուսական և կենդանական հումքի վերամշակման գործում:

Գիտություն կողմից հաստատված է, որ նւթաստամոքսը պայմաններում մեկ կիլոգրամ կալիական պարարտանյութը հացահատիկային կուլտուրաների բերքատվությունը ավելացնում է 7 կիլոգրամով, շաքարի ճակնդեղինը՝ 50 կիլոգրամով, կարտոֆիլինը՝ 40 կիլոգրամով, բամբակինը՝ 2 կիլոգրամով, վուշի թելինը՝ 9 կիլոգրամով և այլն: Ֆոսֆորային պարարտանյութի մեկ կիլոգրամը հացահատիկի բերքատվությունը բարձրացնում է 20 կիլոգրամով, շաքարի ճակնդեղինը՝ 55 կիլոգրամով, կարտոֆիլինը՝ 50 կիլոգրամով, բամբակինը՝ 6 կիլոգրամով, վուշի թելինը՝ 12 կիլոգրամով: Ազոտային պարարտանյութի մեկ կիլոգրամը հացահատիկի բերքատվությունը բարձրացնում է 20 կիլոգրամով, շաքարի ճակնդեղինը՝ 140 կիլոգրամով, կարտոֆիլինը՝ 120 կիլոգրամով, բամբակինը՝ 14 կիլոգրամով և վուշի թելինը՝ 15 կիլոգրամով և այլն:

1964 թվականին մեր քիմիական արդյու-

— 48 —

նաբերության կողմից արտադրվող հանքային պարարտանյութերի քանակը կկազմի աշխարհում արտադրվող ամբողջ հանքային պարարտանյութերի կեսից ավելին: Այդ նըշանակում է, որ այժմ յուրաքանչյուր երկու տարեկա ընթացքում ՍՍՄՄ-ում կառուցվելու և գործարկվելու է այնքան հանքային պարարտանյութ արտադրող գործարան, որքան կառուցվել է մինչպատերազմյան հնգամյակներում՝ միասին վերցրած: Այժմ սովետական քիմիկոսները լուրջ աշխատանք են տանում հանքային պարարտանյութերի ծավալը փոքրացնելու և էֆեկտիվությունը բարձրացնելու ուղղությամբ, որը հնարավորություն կտա տրանսպորտը ազատել ավելորդ փոխադրումներից և միաժամանակ թեթևացնել մարդու աշխատանքը: Գյուղատնտեսական թույլները հացահատիկային կուլտուրաների բերքատվությունը բարձրացնում են մոտավորապես 15 տոկոսով, բանջարեղենինը՝ 20 տոկոսով, պտուղներինը՝ 30—40 տոկոսով:

Սովետական դիտնականները քիմիան ի սպաս են դրել երկրում կենսամթերքների առատությունը ստեղծելու, սոցիալիստական դյուղատնտեսության հետագա զարգացման գործին:

Խմբագիր՝ ԳՐ. ՊԵՏՐՈՍՅԱՆ

Отдел Пропаганды и агитации ЦК КП
Армении
№ 10 1954 г.
БЛОКНОТ АГИТАТОРА

ՎՋ 10523

Պատվեր 425

Տիրաժ 8300

Դիպլոմատիկական թիվը № 2 տպարան, Երևան
Կնուսյանցի № 8, 1954 թ., գինը 50 կոպ.: